




PEDEN DA ZANT MIKEL

Sant Mikel Arc'hel, difennit ac'hanomp er brezel; bezit hor skoazel a enep fallagriez ha finessaou an drouk spered. Ni ho suppli, ra zeui gourc'hemen Doue d'hen lakât da blega; ha c'houi, mestr braz arme an Elez, stlapit en ifern, dre nerz an Aotrou Doue, Satan hag an drouk sperejou all a zo o redek dre ar bed evit koll an eneoù.

Evelse-bezet-great.



Kantik en honor da Zant Mikel.

Var don : *Nous voulons Dieu.*

DISKAN

*O Sant Mikel beniget,
Ni c'houlen ho skoazel;
Taolit eur zell var hor bro garet; } bis.
Sikourit an Iliz santel.*

Pa gredas Lusifer 'n em zevel
Enep Doue, e lein an Ee,
Sant Mikel, gant an Ele fidel,
A zifennas gwiriou Doue.

Pa oue laret ar c'homzou heuzuz :
« *Non serviam !* Na blegin ket ! »
Kerkent oue klêvet : « *Quis ut Deus ?*
Par da Zoue n'eus den ebet ! »

Raktal ivê an Eal gallouduz
A strink an diaoulou var ho fenn
Beteg donder an ifern spontuz,
En tan a zevo da viken.

Na kaer eo gwelet prins an Ele
Guisket evel eur brezellour !
He zorn nerzuz a zoug eur c'hleze ;
He droad a flastr an enebour !

Hirio, siouaz ! an drouk sperejou
Eo evel toret ho chaden.
O Sant Mikel, deuz lein an envou,
En ho enep deut d'hon difen.

Goulennit evit ar vugale
Ma vint sentuz ha fur bepred ;
Diouallit ar yaouankiz ive
A enep skoueriou fall ar bed.

Beillit ouzpenn, o Arc'hel santel,
Var holl zoudarded hon arme,
Ma vint d'ho dever bepred fidel,
Tud direbech e peb doare.

Holl hon euz ezom euz ho sikour,
Rag brezel a zo heb ehan ;
Hon diouallit rag an enebour,
Dreist holl da heur hon tremenvan.